

**BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
V L A D A**

PRIJEDLOG

**Z A K O N
O IZMJENAMA ZAKONA O OSNIVANJU JAVNOG PREDUZEĆA „
MEĐUNARODNI AERODROM TUZLA“**

Tuzla, juli 2012. godine

Na osnovu člana 24. stav 1. tačka c) Ustava Tuzlanskog kantona („Službene novine Tuzlansko-podrinjskog kantona“, broj: 7/97 i 3/99 i „Službene novine Tuzlanskog kantona“, broj: 13/99, 10/00, 14/02, 6/04 i 10/04), na prijedlog Vlade Tuzlanskog kantona, Skupština Tuzlanskog kantona, na sjednici održanoj dana _____ godine, d o n o s i :

ZAKON
O IZMJENAMA ZAKONA O OSNIVANJU JAVNOG PREDUZEĆA
„MEĐUNARODNI AERODROM TUZLA“

Član 1.

U Zakonu o osnivanju Javnog preduzeća „Međunarodni aerodrom Tuzla“ („Službene novine Tuzlanskog kantona“, broj:1/98, 6/98, 11/05 i 9/10), član 6. mijenja se i glasi:

«Član 6

Djelatnost Javnog preduzeća je:

- 37.00 – Uklanjanje otpadnih voda,
- 38.11 – Skupljanje neopasnog otpada,
- 38.12 – Skupljanje opasnog otpada,
- 38.21 – Obrada i zbrinjavanje neopasnog otpada,
- 45.31 – Trgovina na veliko dijelovima i priborom za motorna vozila,
- 45.32 – Trgovina na malo dijelovima i priborom za motorna vozila,
- 46.71 – Trgovina na veliko krutim, tekućim i plinovitim gorivima i srodnim proizvodima,
- 46.75 – Trgovina na veliko hemijskim proizvodima,
- 46.76 – Trgovina na veliko ostalim poluproizvodima,
- 47.11 – Trgovina na malo u nespecijaliziranim prodavaonicama pretežno hranom, pićima i duhanskim proizvodima,
- 47.19 – Ostala trgovina na malo u nespecijalizovanim prodavnicama,
- 47.21 – Trgovina na malo voćem i povrćem u specijalizovanim prodavnicama,
- 47.29 – Ostala trgovina na malo prehrambenim proizvodima u nespecijalizovanim prodavnicama,
- 47.30 – Trgovina na malo motornim gorivima u specijalizovanim prodavnicama,
- 47.41 – Trgovina na malo računalima, perifernim jedinicama i softverom u specijalizovanim prodavnicama,
- 47.42 – Trgovina na malo telekomunikacijskom opremom u specijalizovanim prodavnicama,
- 47.43 – Trgovina na malo audio i video opremom u specijalizovanim prodavnicama,
- 47.51 – Trgovina na malo tekstilom u specijalizovanim prodavnicama,
- 47.52 – Trgovina na malo metalnom robom, bojama i staklom u specijalizovanim prodavnicama,
- 47.53 – Trgovina na malo sagovima i prostiračima za pod, zidnim i podnima oblogama u specijalizovanim prodavnicama,
- 47.54 – Trgovina na malo električnim aparatima za kućanstvo u specijalizovanim prodavnicama,
- 47.59 – Trgovina na malo namještajem, opremom za rasvjetu i ostalim proizvodima za kućanstvo u specijalizovanim prodavnicama,
- 47.61 – Trgovina na malo knjigama u specijalizovanim prodavnicama,
- 47.62 – Trgovina na malo novinama, papirnatom robom i pisaćim priborom u specijalizovanim prodavnicama,
- 47.63 – Trgovina na malo glazbenim i videozapisima u specijalizovanim prodavnicama,
- 47.64 – Trgovina na malo sportskom opremom u specijalizovanim prodavnicama,
- 47.65 – Trgovina na malo igrama i igračkama u specijalizovanim prodavnicama,
- 47.71 – Trgovina na malo odjećom u specijalizovanim prodavnicama,
- 47.72 – Trgovina na malo obućom i proizvodima od kože u specijalizovanim prodavnicama,
- 47.75 – Trgovina na malo kozmetičkim i toaletnim proizvodima u specijalizovanim prodavnicama,
- 47.76 – Trgovina na malo cvijećem, sadnicama, sjemenjem, gnojivom, kućnim ljubimcima i

hranom za kućne ljubimce u specijalizovanim prodavnicama,
47.77 – Trgovina na malo satovima i nakitom u specijalizovanim prodavnicama,
47.78 – Ostala trgovina na malo novom robom u specijalizovanim prodavnicama,
47.91 – Trgovina na malo preko pošte ili interneta,
47.99 – Ostala trgovina na malo izvan prodavnica, štandova i tržnica,
49.31 – Gradski i prigradski kopneni prijevoz putnika
49.32 – Taksi služba,
49.39 – Ostali kopneni prevoz putnika, d.n.
49.41 – Cestovni prevoz robe,
49.42 – Usluge preseljenja
51.10 – Zračni prevoz putnika,
51.21 – Zračni prevoz robe,
52.10 – Skladištenje robe,
52.21 – Uslužne djelatnosti u vezi sa kopnenim prevozom,
52.24 – Prekrcaj tereta,
52.23 – Uslužne djelatnosti u vezi sa zračni prevozom,
52.29 – Ostale pomoćne djelatnosti u prevozu,
56.10 – Djelatnost restorana i ostalih objekata za pripremu i usluživanje hrane,
56.21 – Djelatnosti kateringa,
56.29 – Ostale djelatnosti pripreme i usluživanja hrane,
56.30 – Djelatnost pripreme i usluživanja pića,
58.11 – Izdavanje knjiga,
58.12 – Izdavanje imenika i popisa korisničkih adresa,
58.19 – Ostala izdavačka djelatnost,
58.21 – Izdavanje računalnih igara,
58.29 – Izdavanje ostalog softvera,
62.01 – Računalno programiranje,
62.02 – Savjetovanje u vezi s računalima,
62.03 – Upravljanje računarskom opremom i sistemom,
62.09 – Ostale uslužne djelatnosti u vezi s informacijskom tehnologijom i računalima,
63.11 – Obrada podataka, usluge hostinga i djelatnosti povezane s njima,
68.20 – Iznajmljivanje i upravljanje vlastitim nekretninama ili nekretninama uzetim u zakup (leasing),
71.11 – Arhitektonske djelatnosti,
71.12 – Inženjerske djelatnosti i s njima povezano tehničko savjetovanje,
73.11 – Agencija za promidžbu (reklamu i propagandu),
73.12 – Oglašavanje preko medija,
74.20 – Fotografiske djelatnosti,
74.90 – Ostale stručne, znanstvene i tehničke djelatnosti, d.n.,
77.11 – Iznajmljivanje i davanje u zakup (leasing) automobila i motornih vozila lake kategorije,
77.12 – Iznajmljivanje i davanje u zakup (leasing) kamiona,
77.32 – Iznajmljivanje i davanje u zakup (leasing) strojeva i opreme za građevinarstvo,
77.39 – Iznajmljivanje i davanje u zakup (leasing) ostalih strojeva, opreme i materijalnih dobara, d.n.,
79.11 – Djelatnosti putničkih agencija,
79.12 – Djelatnosti turoperatora,
79.90 – Ostale rezervacijske usluge i djelatnosti povezane s njima,
82.30 – Organizacija sastanaka i poslovnih sajmova,
84.25 – Djelatnosti vatrogasne službe.»

Član 2.

Član 8b. mijenja se i glasi:

„Član 8b.

Nadležnost Skupštine Javnog preduzeća utvrđena je Zakonom o javnim preduzećima u Federaciji Bosne i Hercegovine, Zakonom o privrednim društvima i statutom Javnog preduzeća.

Ovlaštenja Skupštine Javnog preduzeća u ime osnivača vrše tri punomoćnika.

Punomoć za učešće u radu i odlučivanju Skupštine Javnog preduzeća, u ime osnivača, daje Vlada Tuzlanskog kantona posebno za svaku sjednicu Skupštine Javnog preduzeća.

Punomoćnik iz stava 2. ovog člana ne može biti lice koje ima direktan ili indirektan finansijski i drugi privatni interes u Javnom preduzeću, kao ni lice koje je član uprave, predsjednik ili član Nadzornog odbora Javnog preduzeća.“

Član 3.

Članovi 8c. i 8d. brišu se.

Član 4.

U članu 9. stav 1. mijenja se i glasi:

«Organ upravljanja u Javnom preduzeću je Nadzorni odbor koji čine tri člana.»

Član 5.

U članu 17. u stavu 1. riječ „profit“ zamjenjuje se riječju „dobit“.

Član 6.

Vlada Kantona će u roku od 60 dana od dana stupanja na snagu ovog Zakona imenovati punomoćnike iz člana 8b.

Član 7.

Skupština Javnog preduzeća pokrenut će postupak izbora i imenovanja članova Nadzornog odbora u skladu sa ovim Zakonom u roku od 30 dana od dana imenovanja punomoćnika iz člana 8b.

Član 8.

Skupština Javnog preduzeća će u roku od 30 dana od dana imenovanja uskladiti Statut Javnog preduzeća sa odredbama ovog Zakona.

Član 9.

Ovaj Zakon služi kao akt na osnovu kojeg će se izvršiti promjene u registru poslovnih subjekata.

Član 10.

Ovaj Zakon stupa na snagu osmog dana od dana objavljivanja u „Službenim novinama Tuzlanskog kantona“.

**BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
SKUPŠTINA**

**PREDSJEDNIK SKUPŠTINE
TUZLANSKOG KANTONA**

Sladjan Ilić

**Broj: _____/12
Tuzla, _____ 2012. godine**

O B R A Z L O Ź E N J E

I – USTAVNI OSNOV ZA DONOŠENJE ZAKONA

Ustavni osnov za donošenje Zakona o izmjenama Zakona o osnivanju Javnog preduzeća «Međunarodni aerodrom Tuzla» sadržan je u odredbi člana 24. stav 1. tačka c) Ustava Tuzlanskog kantona («Službene novine Tuzlanskog kantona», broj: 7/97 i 3/99 i «Službene novine Tuzlanskog kantona», broj: 13/99, 10/00, 14/02, 6/04 i 10/04), u kom se navodi da Skupština Kantona donosi zakone i ostale propise neophodne za izvršavanje nadležnosti Kantona.

II - RAZLOZI ZA DONOŠENJE ZAKONA

Razlog za predlaganje Zakona o izmjenama Zakona o osnivanju Javnog preduzeća «Međunarodni aerodrom Tuzla» je potreba usklađivanja Zakona o osnivanju Javnog preduzeća «Međunarodni aerodrom Tuzla» sa odredbama Zakona o javnim preduzećima u Federaciji Bosne i Hercegovine («Službene novine Federacije Bosne i Hercegovine», broj: 8/05 i 81/08), Zakona o privrednim društvima («Službene novine Federacije Bosne i Hercegovine», broj: 23/99, 45/00, 2/02, 6/02, 29/03, 84/08, 88/08, 7/09 i 63/10), Odlukom o klasifikaciji djelatnosti Bosne i Hercegovine 2010 («Službeni glasnik Bosne i Hercegovine», broj: 47/10), a s ciljem racionalizacije i reorganizacije organa upravljanja Javnog preduzeća «Međunarodni aerodrom Tuzla» d.o.o.

Razlog za predlaganje Zakona o izmjenama Zakona o osnivanju Javnog preduzeća «Međunarodni aerodrom Tuzla» u formi prijedloga sadržan je u odredbi člana 145. Poslovnika Skupštine Tuzlanskog kantona («Službene novine Tuzlanskog kantona», broj: 10/04, 13/06, 1/08, 14/11), kojom je predviđeno da kada nije u pitanju složen i obiman zakon, podnosilac prijedloga zakona može umjesto nacrt zakona podnijeti prijedlog zakona i predložiti da se prijedlog zakona pretresa po skraćenom postupku bez nacrt zakona.

III – OBRAZLOŽENJE POJEDINIH RJEŠENJA

Članom 1. predložena je izmjena člana 6. Zakona o osnivanju Javnog preduzeća «Međunarodni aerodrom Tuzla» kojom je izvršeno usklađivanje djelatnosti, odnosno šifri djelatnosti Javnog preduzeća sa Odlukom o klasifikaciji djelatnosti Bosne i Hercegovine 2010, obzirom da Zakon o osnivanju Javnog preduzeća «Međunarodni aerodrom Tuzla» predstavlja osnov za upis promjena u sudski registar.

Članom 2. predloženih izmjena izvršeno je usklađivanje sa odredbom člana 310. a u vezi sa članom 250. i članom 343. Zakona o privrednim društvima.

Naime, članom 310. pomenutog Zakona propisano je da se odredbe Zakona o privrednim društvima koje se odnose na dioničko društvo primjenjuju na društvo sa ograničenom odgovornošću ako posebnim odredbama Zakona o privrednim društvima nije drugačije određeno.

Članom 250. istog Zakona propisano je da pravo učešća u radu i odlučivanju skupštine dioničkog društva dioničar može ostvarivati lično ili putem punomoćnika, koji je dužan postupati u skladu sa uputama dioničara.

S tim u vezi, izmjenama člana 8b. predloženo je da ovlaštenja Skupštine Javnog preduzeća u ime osnivača vrše tri punomoćnika kojima punomoć za učešće u radu i odlučivanju u ime osnivača daje Vlada Tuzlanskog kantona posebno za svaku sjednicu Skupštine Javnog preduzeća.

Kako je članom 343. Zakona o privrednim društvima propisano da u društvu sa ograničenom odgovornošću sa jednim članom ovlaštenja skupštine vrši član društva, to proizilazi da je Skupština javnog preduzeća organ koji se ne bira, nema određenog mandata trajanja i ne može se posmatrati kao regulirani organ u smislu Zakona o ministarskim, vladinim i drugim imenovanjima Federacije Bosne i Hercegovine («Službene novine Federacije Bosne i Hercegovine», broj: 12/03 i 34/03).

Članom 3. predloženo je brisanje članova 8c. i 8d. obzirom da su isti već sadržani u izmjeni člana 8b.

Članom 4. predloženo je smanjenje broja članova Nadzornog odbora Javnog preduzeća sa dosadašnjih pet članova na tri člana, a s ciljem racionalizacije troškova i efikasnosti rada Javnog preduzeća.

Navedeno je u skladu sa odredbom člana 259. Zakona o privrednim društvima, kojom je propisano da nadzorni odbor sačinjavaju predsjednik i najmanje dva člana koje imenuje i razrješava skupština, s tim da ukupan broj članova nadzornog odbora mora biti neparan.

Članom 5. predviđa se usklađivanje terminologije sa Zakonom o javnim preduzećima u Federaciji Bosne i Hercegovine.

Članovi 6. do 10. su prelaznog i završnog karaktera i regulišu način na koji će se urediti rokovi za imenovanje punomoćnika, pokretanje postupka izbora i imenovanje članova Nadzornog odbora, usklađivanje statuta Javnog preduzeća sa odredbama ovog Zakona, upis u registar i stupanje na snagu ovog Zakona.

IV – ODREDBE O SANKCIJAMA

Ovaj Zakon ne sadrži kaznene odredbe, odnosno odredbe o sankcijama.

V - FINANSIJSKA SREDSTVA

Za realizaciju ovog Zakona nisu potrebna finansijska sredstva.

O B R A Ć I V A Ć

Ministarstvo trgovine, turizma i saobraćaja